

9. MORETTIA.

Morettia DC. *Syst.* II, 426, et *Prodr.* I, 185; Endl. *Gen.* n. 4894; Benth. et Hook. *Gen.* I, 70; Boiss. *Or.* I, 145.

Sepala erecta, lateralia haud saccata. Petala oblongo-linearita, unguiculata. *Siliqua* linearis, *teretiuscula vel subtetragono-compressa, valvis convexis rigidis nervosis, intus inter semina incrassato-septuliferis, serius secedentibus*; septo membranaceo opaco; stigmatibus bilobis lobis conniventibus divergentibusve. Semina plura, uniseriata, compressa, immarginata. Cotyledones plano-convexæ, radiculæ accumbentes.

Plantæ pilis stellatis hispidæ vel cano-tomentosæ. Flores albi.

1. M. canescens Boiss. *Diagn. Or.* ser. 1, VIII, 17, et *Or.* I, 145; Coss. *Illustr. Atl.* I, 21, t. 14. — *M. Nakkebiana* Hochst.! in sched. manuscr. pl. Arab. Schimp. ed. 2. — Forma parviflora, petalis brevioribus calycem vix excedentibus, siliquis arcuatis, stigmatibus lobis etiam demum conniventibus: *M. parviflora* Boiss. in *Ann. sc. nat.* [1842] 60, et *Or.* I, 146. — *M. minor* Hochst.! in sched. manuscr. pl. Arab. Schimp. ed. 2. — Exs. Kral. in *Bourg. Alg.* 241; Schimp. *Arab. petr.* 341, Bové (*Sinai*) 141, Auch. 136; Auch. *Mascate* 4076.

Planta perennis, cano-tomentosa pube stellata adpressa radiis subæqualibus, tactu scabrida; caulibus diffusis vel prostratis, rarius ascendentibus, superne ramosis; foliis ovato-oblongis vel oblongis, in petiolum brevem attenuatis, integris vel repando-dentatis; floribus ad apicem racemi basi foliati cito elongati subcorymboso-confertis, pedicellis calyce sæpius brevioribus; calyce cito deciduo, sepalis oblongis obtusis; petalis calyce sesquialongioribus vel vix longioribus; glandulis hypogynis valvariis parum præminentibus; siliquis calyce multo longioribus, in racemos demum longiusculos dispositis, in pedicello crasso erecto-subadpressis, rectis vel plus minus arcuatis, stigmatibus lobis divergentibus vel divaricatis rarius erectis conniventibus. \mathcal{L} . Mart.-Jun.

In ruderatis, in argilloso-calcareis vel arenosis, in glareosis, tantum in regione Saharensi provinciæ Oranensis. — **Sah.** O³: inter *Arba-Tahtani* et *El-Abiod-Sidi-Chèikh!*, *Bou-Semghoun*, in valle *Oued Som*, *Moghar-Tahtani* (War.), *Tyout!* (War.), inter *Tyout* et *Aïn-Sefra!*, *Aïn-Sefra!*; in valle *Oued Benout* ad *Mengoub* (Par.) et *Kef El-Fokra* (War.). — **MAR.** Inter *Toumiet* et *Figuig* (War.); ad palmetum *Akka* (Mard.).

In desertis Arabiæ petrææ et ad *Mascate*.

Obs. *M. canescens* differt a *M. Philæana* DC. (*Syst.* II, 426, et *Prodr.* I, 185; Boiss. *Or.* I, 145. — *Sinapis Philæana* Delile! *Ég.* 99, t. 33, f. 3. — *M. asperrima* Boiss. in *Ann. sc. nat.* [1842] 60. — Exs. Sieb. *Æg.*; Ky *Nub.* 363, Lx 220; Auch. *Mascate* 4102), in deserto Ægyptiaco-Arabico, in Nubia et ditione *Mascate* crescente, caulibus diffusis vel prostratis, non robustis ascendentibus erectisve subdichotome ramosis, pube adpressa radiis subæqualibus cano-tomentosa et tactu scabrida, non radiis inæqualibus longioribus patentibus setiformibus exasperata, floribus 4-6-plo minoribus, in racemos plurifloros dispositis, non ad ramificationum angulos solitariis et in racemos 4-8-floros oppositifolios dispositis, calyce cito deciduo sepalis oblongis obtusis, non post anthesim accrescente et tantum paulo ante siliquarum maturationem secedente sepalis lanceolatis acutiusculis, glandulis hypogynis valvariis parum non valde præminentibus, siliqua calyce multo non sesqui-vel subduplo longiore.